



PRIMIJENI
ZAKON,
ZAŠTITI
SVAKU
DJEVOJČICU,
DJEVIČIKU
I ŽENU!

CURE

GODIŠNJI IZVJEŠTAJ

2025

VIDLJIVE,
SNAŽNE,
JEDINJENE

GODIŠNJI IZVJEŠTAJ 2025.
Fondacija CURE

Izdavačice
Fondacija CURE

Lektura
Enida Čamdžić

Dizajn i prelom
Tanja Ćurić

Štampa
Cober d.o.o.

Tiraž
100

UVOD

20 godina feminističkog aktivizma i društvene promjene U 2025. godini Fondacija CURE obilježila je 20 godina neumorne borbe, istrajnog djelovanja i solidarnosti. Fondacija CURE je feminističko-aktivistička organizacija koja se beskompromisno zalaže za rodnu i spolnu ravnopravnost, koristeći obrazovne, umjetničko-kulturne i istraživačke programe kao alate protiv društvene nepravde i rodne nejednakosti.

Kroz naše afirmativne akcije slavimo snagu, moć i otpornost žena, ali i inspirišemo pojedince/ke da preuzmu ulogu pokretača/ica društvenih promjena u Bosni i Hercegovini i šire. Gradimo siguran prostor u kojem su žene neustrašive, jake i ujedinjene u svojim različitostima, i u kojem se profesionalizam i aktivizam prepliću kroz javne akcije, performanse, proteste i angažovanu umjetnost koja odjekuje u društvu.

Tokom dvadeset godina postale smo prepoznatljiv centar feminističkog aktivizma u BiH i regiji. Osnažile smo hiljade žena i djevojaka, otvarale ključne teme socijalne pravde, inicirale javne rasprave i neumorno stvarale prostore za dijalog, edukaciju i transformaciju društva. Naša misija je jasna: zagovarati prava žena, podržavati marginalizovane grupe i stvarati sigurne prostore za aktivizam, kreativnost i društveni angažman, kako bi Bosna i Hercegovina postala društvo jednakih prilika i solidarnosti.

Fondacija Cure

MISIJA



Fondacija CURE, kao vodeći inkubator feminističkih ideja, posvećena je osnaživanju, podršci i stvaranju sigurnog prostora za sve žene, djevojke, aktivistkinje i feministkinje – kroz inovativnu kombinaciju neformalnih edukativnih programa, društvenih istraživanja i zagovaranja. Šireći svoje djelovanje na lokalnom i regionalnom nivou, gradimo čvrste mreže sa pojedincima/kama i organizacijama koje potiču aktivno i odgovorno učešće u demokratskim društvenim promjenama.

Naša misija usmjerena je na unaprjeđenje holističke sigurnosti žena – u ekonomskom, društvenom, okolišnom i političkom smislu – osiguravajući njihovu prisutnost i uticaj u procesima izgradnje mira i razvoju uključivog, održivog ženskog pokreta. Kroz angažovanu umjetnost i aktivizam, podstičemo društvene promjene, zagovarajući sigurniji i pravedniji svijet u kojem svaka djevojčica i žena ima priliku ostvariti svoj puni potencijal.

VIZIJA



Fondacija CURE zagovara društvo bez nasilja i diskriminacije, u kojem su sigurnost, ravnopravnost i osnaživanje žena i djevojaka, posebno onih iz marginalizovanih grupa, sistemski podržani. Kroz izgradnju snažnog, informisanog i međugeneracijskog ženskog pokreta, Fondacija promovise koncept holističke sigurnosti i ravnopravno učešće žena u svim sferama donošenja odluka.

VRIJEDNOSTI



Vrijednosti na kojima Fondacija CURE bazira svoj rad su:

- Solidarnost među ženama i djevojkama
- Međugeneracijska solidarnost i prijenos znanja
- Osnaživanje žena i djevojaka, posebno iz društveno marginalizovanih grupa
- Interna i eksterna transparentnost uz poštovanje politike nenanošenja štete
- Razumijevanje i prihvatanje feminističkog identiteta
- Usmjerenost ka različitim identitetima i potrebama žena i djevojaka
- Aktivizam kao alat za postizanje pozitivnih društvenih promjena
- Stvaranje sigurnih prostora za žene i djevojke
- Dosljednost u naporima i posvećenost postizanju društvene pravde
- Izgradnja mira i poštovanje kulture sjećanja
- Antifašizam i antimilitarizam
- Nulta tolerancija na sve oblike nasilja i diskriminacije protiv žena
- Sloboda izbora i pravo na različitost

PROGRAMI I AKTIVNOSTI

Rad Fondacije CURE razvija se kroz različite programe, aktivnosti i projekte, unutar kojih se posebno izdvajaju četiri inicijative koje su postale sinonim za naš identitet i pravac djelovanja. One čine temelj na kojem gradimo buduće aktivnosti, zahvaljujući svojoj programskoj snazi i simboličkom značaju. Njihov otvoren i inkluzivan karakter omogućava učešće svima koji/e doprinose razvoju ženskog pokreta i feminističke misli u Bosni i Hercegovini.

Kroz ove programe kontinuirano ostvarujemo našu misiju:

- Ženska mreža Bosne i Hercegovine – prostor izgradnje ženskog pokreta i perspektive na aktualna društveno-politička pitanja
- Osmomartovski marš: simbol borbe za prava žena i otpora rodnoj neravnopravnosti.
- PitchWise Festival ženske umjetnosti i aktivizma: jedinstvena platforma koja povezuje umjetnost i aktivizam, okupljajući svake godine feministkinje, aktivistkinje i umjetnice iz Bosne i Hercegovine, regije i svijeta.
- 16 dana aktivizma protiv rodno zasnovanog nasilja: dugi niz godina dio smo globalne kampanje u kojoj Fondacija CURE aktivno učestvuje s ciljem podizanja svijesti i zagovaranja sistemskih promjena u borbi protiv nasilja nad ženama.

Osmi Mart




Međunarodni dan žena, 8. mart, duboko je ukorijenjen u historiji borbe za ekonomska, politička i građanska prava žena, ali i u kontinuiranom otporu prema nepravdi koja i danas oblikuje svakodnevicu žena. Fondacija CURE ovaj dan obilježava kroz dugogodišnji aktivistički kontinuitet, stvarajući vidljiv i siguran prostor za javno iskazivanje otpora, solidarnosti i zajedničkog djelovanja.

U tom duhu, Osmomartovski marš u Sarajevu postao je prepoznatljiv oblik kolektivnog otpora i podsjetnik da borba za ravnopravnost nikada ne završava, već se svakodnevno iznova vodi. Okupljajući žene i saveznike/ce različitih generacija, profesija i društvenih pozicija, marš povezuje iskustva i glasove onih koji/e se suočavaju s različitim oblicima diskriminacije i nejednakosti.

Osmomartovski marš 2025. rezultat je višemjesečne saradnje feminističkih, ekoloških i sindikalnih organizacija, aktivistkinja

PitchWise Festival ženske umjetnosti i aktivizma



PitchWise Festival ženske umjetnosti i aktivizma predstavlja jedan od najsnažnijih i najprepoznatljivijih izraza feminističkog djelovanja Fondacije CURE – prostor u kojem se susreću umjetnost, otpor i aktivizam. Tokom dvije decenije postojanja, festival je okupio hiljade učesnica i učesnika iz Bosne i Hercegovine, regije i svijeta, gradeći međunarodnu mrežu solidarnosti i razmjene znanja, iskustava i praksi.

Od samog početka, 2005. godine, PitchWise je nastao iz potrebe da se napušteni i zanemareni javni prostori osvoje i transformišu u sigurne, žive prostore susreta, stvaranja i otpora. Ti prostori kontinuirano postaju mjesta okupljanja umjetnica, aktivistkinja, teoretičarki, naučnica i svih onih koji/e kroz svoj rad propituju položaj žena u društvu i doprinose transformaciji društvenih odnosa.

Dvadeseti rođendan PitchWise festivala obilježile smo u Historijskom muzeju Bosne i Hercegovine od 11. do 14. septembra 2025. godine, i to u trenutku kada je ova državna institucija proslavljala svoj 80. rođendan. U tome za nas postoji snažna simbolika. Zajedno poručujemo da nastavljamo pružati otpor politikama zaborava, brisanja ženske historije, ženskog doprinosa kulturi, nauci, sportu, umjetnosti i društvu u cjelini, pružamo otpor pokušajima urušavanja demokratskih standarda i ograničavanju i smanjenju prava žena i svih drugih i drugačijih.

Tema PitchWise festivala naglašavala je kontinuitet našeg beskompromisnog feminističkog djelovanja. **20 godina smo tu! VIDLJIVE, SNAŽNE, UJEDINJENE* ka zajedničkom cilju: stojimo na braniku ostvarenih ženskih prava – NEMA NAZAD!**

Povratak na staro za djevojčice, djevojke i žene, ali i sve marginalizovane skupine ljudi, značio bi ukidanje teško izbornih prava i sloboda.

Kao i prvog dana, tako i danas dvije decenije kasnije, naša poruka ostaje ista – nema nazad, u prošlost u kojoj su djevojčice i žene bile lišene prava i nisu bile uvažavane kao ravnopravna ljudska bića.

Za više informacija pogledajte:

Šta je PitchWise svih ovih godina značio za aktivistice?
https://www.youtube.com/watch?v=_KoHJMMClao

PitchWise Aftermovie 20 godina
<https://www.youtube.com/watch?v=b9QxuldRCTc>
<https://fondacijacure.org/kategorija/pitchwise/>



16 DANA AKTIVIZMA (25. novembar - 10. decembar)



Fondacija CURE aktivno obilježava globalnu kampanju „16 dana aktivizma protiv rodno zasnovanog nasilja“. U okviru obilježavanja 25. novembra – Međunarodnog dana borbe protiv nasilja nad ženama i djevojčicama – organizovale smo uličnu akciju te kroz aktivističke poruke i razgovor sa građanima i građankama ukazale na hitnost borbe protiv femicida i svakodnevnog nasilja nad ženama.

Posebno mjesto u kampanji tokom 2025. zauzela je interaktivna radionica, održana u saradnji sa Udruženjem „Sahan“ iz Vogošće.

Članica tima Fondacije CURE, Selma Hadžihalilović, vodila je diskusiju o predrasudama i stereotipima prema ženama, posebno u kontekstu nasilja, a učesnice su kreirale informativni pano o prevenciji nasilja nad ženama, dopunjen porukama podrške za one koje trenutno trpe nasilje. Pano je postavljen u prostorijama Općine Vogošća.

Radionica je obuhvatila i predstavljanje inicijativa za veću vidljivost žena u lokalnoj zajednici, uključujući inicijativu za imenovanje ulica po zaslužnim ženama, **usvajanje 8. decembra kao Dana sjećanja na žene stradale u ratu** te distribuciju informativnog materijala zajedničke kampanje ženskih organizacija iz cijele Bosne i Hercegovine.

Provele smo i **online i offline kampanju „Primijeni zakon. Zaštiti svaku djevojčicu, djevojku, ženu“** u devet gradova BiH, skrećući pažnju na zlostavljanje djevojčica i femicid, te pozivajući institucije da štite sve građanke.



PROJEKTI

Zajedno za mir: Feministička perspektiva
brige o sebi

Odgovor zajednice na rodno
zasnovano nasilje

Jačanje otpornosti protiv antirodnih
pokreta u Bosni i Hercegovini

Jačanje otpornosti feminističke i LGBTQ+
zajednice na antirodni pokret u Bosni i
Hercegovini

Žene u politici

Nema nazad! 20 godina smo tu! Vidljive,
snažne, ujedinjene* ka zajedničkom cilju:
stojimo na braniku ostvarenih ženskih
prava!

Istraživanje fragmentacije feminističkog
pokreta u Bosni i Hercegovini i ekonomsko
osnaživanje žena

Ženska mreža BiH



Zajedno za mir: Feministička perspektiva brige o sebi

Kroz projekat „Zajedno za mir: Feministička perspektiva brige o sebi“ radile smo na osnaživanju žena za aktivnije učešće u društvenim procesima, kroz edukaciju, razmjenu iskustava i jačanje svijesti o važnosti zaštite ženskih prava u različitim društvenim i kriznim kontekstima. Poseban fokus projekta bio je na brizi o sebi, mentalnom zdravlju i stvaranju prostora za podršku, solidarnost i feminističko djelovanje.

U okviru projekta, od 22. do 24. augusta 2025. godine u hotelu Hollywood na Ilidži u Sarajevu, održan je self-care trening pod nazivom „Zajedno za mir: Feministička perspektiva brige o sebi i zajednici“. Na treningu je učestvovalo 27 žena iz različitih lokalnih zajednica širom Bosne i Hercegovine, uključujući Konjević Polje, Mostar, Tuzlu, Lukavac, Tinju/Srebrenik, Blagovac/Vogošću, Konjic, Cazin, Prnjavor, Prijedor, Kozarac, Veliku Kladašu i Sarajevo.

Tokom projekta organizovano je i individualno online savjetovanje za učesnice, kao i niz aktivnosti posvećenih kulturi sjećanja kroz posjete mjestima stradanja i memorijalizacije, među kojima su Ahmići, Prijedor, Potočari/Srebrenica, Tuzla i Kazani.

Dana 21. augusta 2025. godine u Bratuncu (BiH) i Loznici (Republika Srbija), zajedno sa Nihadom Suljićem i Udruženjem Djeluj.ba, odale smo počast 12 izbjeglica iz Egipta, Iraka i Sirije koje su 2024. godine izgubile život pokušavajući preći rijeku Drinu.

Žene koje su učestvovale u projektu bile su dio i XX PitchWise festivala ženskog aktivizma i umjetnosti, a kroz različite javne događaje, panel-diskusije, promocije publikacija i sastanke u lokalnim zajednicama otvoreni su razgovori o feminističkom djelovanju, miru, solidarnosti i položaju žena u društvu. Aktivnosti – promocije publikacija, sastanci, panel-diskusije i okrugli stolovi

– realizovane su u više gradova i zajednica, među kojima su Ustikolina, Tinja/Srebrenik, Cazin, Bosanska Krupa, Vareš, Stolac, Vogošća, Prnjavor, Lukavac i Tuzla.

Projektne aktivnosti doprinijele su jačanju svijesti među ženama o njihovoj važnoj ulozi u izgradnji mira i stabilnijih lokalnih zajednica. Kroz razmjenu znanja, iskustava i međusobnu podršku, učesnice su mapirale izazove i potrebe svojih zajednica, ali i mogućnosti za feminističke akcije koje mogu doprinijeti kvalitetnijem i sigurnijem životu žena.

Poseban značaj projekta ogleda se u pružanju podrške aktivistkinjama u prevenciji retraumatizacije te osnaživanju žena da brigu o sebi i mentalnom zdravlju prepoznaju kao važan dio dugoročnog aktivističkog djelovanja. Kroz projektne aktivnosti direktno i indirektno je učestvovalo više od 1000 žena.





Odgovor zajednice na rodno zasnovano nasilje

Ovaj projekat imao je za cilj edukaciju grupe LBT* i nebinarnih osoba kako bi se osnažile da pružaju podršku LGBTIQ+ osobama koje su preživjele rodno zasnovano nasilje.

U okviru projekta održana je četverodnevna radionica integrirane sigurnosti (ISW) za 12 učesnica i učesnika koji se identifikuju kao LBT* ili nebinarne osobe, s fokusom na upoznavanje pravnog okvira rodno zasnovanog nasilja, kao i na praktičan rad za osobe od povjerenja u zajednici. Paralelno su razvijeni specijalizovani materijali za pomagače i pomagačice u zajednici, u saradnji sa stručnjacima i stručnjakinjama iz ove oblasti, sa posebnim fokusom na rodno zasnovano nasilje nad pripadnicama LBTIQ+ zajednice.

Dodatno je realizovana i trodnevna specijalizovana obuka za pet pomagača i pomagačica u zajednici, odabranih iz grupe učesnica i učesnika ISW radionice, s ciljem jačanja njihovih praktičnih znanja i vještina za djelovanje u ulozu osoba od povjerenja i pružanje direktne podrške u zajednici.

Kroz ovaj projekat uspostavljena je i osnažena specijalizovana grupa LGBTIQ+ i nebinarnih aktivistkinja i aktivista, koji su osposobljeni za pružanje direktne pomoći i podrške članicama i članovima LGBTIQ+ zajednice u Bosni i Hercegovini, posebno u procesu pristupa institucionalnim mehanizmima zaštite za osobe koje su preživjele rodno zasnovano nasilje.

Specijalizovani materijali dostupni su na sljedećem linku:
https://fondacijacure.org/wp-content/uploads/2025/08/Vodic_Povjerenje_web-1.pdf

Jačanje otpornosti protiv antirodnih pokreta u Bosni i Hercegovini

Cilj projekta bio je jačanje otpornosti feminističke zajednice na sve intenzivnija antirodna djelovanja u Bosni i Hercegovini, a završen je u martu 2025. godine.

U okviru projekta realizovani su edukativni programi i radionice kroz koje su aktivistkinje i aktivisti iz različitih lokalnih zajednica širom zemlje imali priliku da unaprijede znanja i vještine potrebne za djelovanje u savremenom društvenom kontekstu. Poseban fokus bio je na radionicama integrisane sigurnosti, u okviru kojih se radilo na jačanju lične otpornosti, brizi o psihičkom, mentalnom i fizičkom zdravlju, kao i na razvoju organizacijskih sigurnosnih planova. Dodatno su vježbane i komunikacijske vještine, uključujući medijske nastupe kroz simulacije javnih debata i potencijalnih kriznih situacija.

Kao dio intelektualnog i zagovaračkog rada, izrađen je i objavljen zbornik tekstova koncipiran kao „**Vodič kroz otpor antirodnim politikama**“, u kojem je sedam autorica i autora ponudilo analizu trenutnog stanja i preporuke za djelovanje u cilju sprječavanja negativnih društvenih posljedica ovih politika.

Zagovaračka komponenta projekta realizovana je i kroz dvije kampanje, provedene istovremeno u fizičkom i digitalnom prostoru, povodom 16 dana aktivizma protiv rodno zasnovanog nasilja 2024. godine i Međunarodnog dana žena 2025. godine. Kampanje su nosile poruke usmjerene na očuvanje već stečenih prava i naglašavanje da bi njihovo ukidanje predstavljalo ozbiljan društveni korak unazad u oblasti ravnopravnosti.

Tokom projekta ostvarena je direktna saradnja sa 50 učesnica, uz kontinuiran rad na razmjeni znanja, jačanju međusobne povezanosti

i razvoju mreža solidarnosti među aktivistkinjama i aktivistima.

Publikacija je dostupna na sljedećem linku:

https://fondacijacure.org/wp-content/uploads/2025/03/Vodic_2025.pdf



Jačanje otpornosti feminističke i LGBTIQ+ zajednice na antirodni pokret u Bosni i Hercegovini

Cilj projekta bio je nastavak jačanja otpornosti feminističke i LGBTIQ+ zajednice na antirodna djelovanja u Bosni i Hercegovini. Kao nastavak prethodnog projekta, koji je završen u martu 2025. godine, projekat potvrđuje da su ranije aktivnosti bile uspješne, ali i da i dalje postoji izražena potreba za kontinuiranim osnaživanjem aktivistica i braniteljica ženskih i ljudskih prava, kao i prava LGBTIQ+ osoba.

U okviru projekta realizovane su radionice integrisane sigurnosti, predavanja i diskusije koje su obuhvatile teorijske i praktične aspekte djelovanja antirodnih pokreta te različite oblike nasilja nad ženama i LGBTIQ+ osobama. Paralelno je izrađeno sveobuhvatno **istraživanje** koje je obuhvatilo globalni, evropski, regionalni i domaći pregled postojećih i potencijalnih prijetnji ženskim i ljudskim pravima te pravima LGBTIQ+ osoba, na osnovu čega je razvijena **strategija** otpora, s posebnim fokusom na Bosnu i Hercegovinu (https://fondacijacure.org/wp-content/uploads/2026/03/Prirucnik_Ravnopravnost_pod_pritiskom_2026_CIP.pdf).

Poseban segment projekta činile su zagovaračke i komunikacijske aktivnosti kroz dvije online kampanje. Kampanja povodom 16 dana aktivizma protiv rodno zasnovanog nasilja 2025. godine, pod sloganom „Primijeni zakon. Zaštiti svaku djevojčicu, djevojku, ženu!“, realizovana je istovremeno u digitalnom prostoru i na bilbordima u više gradova Bosne i Hercegovine, s ciljem skretanja pažnje na slučajeve nasilja nad ženama i djevojčicama, uključujući femicid i seksualno nasilje. Druga kampanja, povodom 8. marta – Međunarodnog dana žena, bila je usmjerena na ukazivanje na kontinuirano nasilje nad ženama i potrebu za jačanjem institucionalne zaštite, uz jasno isticanje zahtjeva da se svakoj

djevojčici, djevojci i ženi obezbijedi sigurnost i sloboda u zajednici.

Kroz realizovane aktivnosti dodatno je osnažena feministička i LGBTIQ+ zajednica u Bosni i Hercegovini za pružanje otpora antirodnim narativima i praksama, te zajedničko djelovanje u odbrani već stečenih prava i sloboda. Projekat je uputio snažan poziv institucijama na svim nivoima vlasti da aktivno štite prava građanki i građana, posebno djece i mladih, te da nasilje nad ženama prepoznaju kao ozbiljno društveno i političko pitanje koje zahtijeva adekvatne mehanizme zaštite i strože sankcionisanje.

Do sada je kroz projektne aktivnosti direktno uključeno više od 60 učesnica, uz doprinos jačanju solidarnosti, umrežavanja i zajedničkog odgovora na antirodne politike i prakse u Bosni i Hercegovini.

Publikacija je dostupna na sljedećem linku:

https://fondacijacure.org/wp-content/uploads/2026/03/Prirucnik_Ravnopravnost_pod_pritiskom_2026_CIP.pdf



Žene u politici

Projekat „**Žene u politici**“ bio je usmjeren na smanjenje rodne neravnopravnosti u političkom životu Bosne i Hercegovine, s posebnim fokusom na lokalni nivo u opštinama Gračanica, Lukavac, Tuzla, Šamac, Modriča, Vukosavlje i Doboj. Glavni cilj projekta bio je jačanje uloge žena u politici kroz razvoj njihovih liderskih vještina, mentorsku podršku i umrežavanje unutar političkih stranaka, ali i među ženama iz različitih političkih opcija, kao i podizanje javne svijesti o važnosti rodne ravnopravnosti u izbornim procesima.

Projekat su zajednički provodile Fondacija CURE i Udruženje građana Budućnost Modriča.

U okviru projekta izrađena je početna situaciona analiza i razvijeni programi podrške političkom angažmanu žena. Poseban segment odnosio se na obuku posmatračica izbornog procesa s ciljem boljeg razumijevanja rodno specifičnih izazova.

Tokom implementacije realizovan je niz aktivnosti usmjerenih na osnaživanje žena u politici, uključujući radionice za kandidatkinje, novoizabrane i imenovane žene, kao i političarke i njihove saradnice. Organizovani su i online forumi posvećeni digitalnim vještinama i jačanju javne vidljivosti žena u politici, uz kontinuiranu mentorsku podršku koja je trajala i nakon formalnih aktivnosti.

Održana je i konferencija „Politička moć žena: Izazovi i prilike“, koja je okupila predstavnice i predstavnike institucija, političkih partija, civilnog društva i međunarodnih organizacija.

Pored direktnog rada s učesnicama, kroz projekat su realizovane i zagovaračke i komunikacijske aktivnosti, poput online kampanja, produkcije podcast sadržaja, izrade promotivnih materijala te razvoja digitalnih kanala za promociju tema rodne ravnopravnosti

u politici. Najznačajniji rezultat projekta ogleda se u povećanju političke zastupljenosti žena u sedam ciljnih opština, sa 32 mandata (17%) osvojenih na Lokalnim izborima 2020. godine na ukupno 50 potvrđenih mandata (26,32%) nakon Lokalnih izbora 2024. godine, uključujući naknadna imenovanja i zamjene.

Projekat je doprinio jačanju kapaciteta žena za aktivno političko djelovanje, unaprijedio saradnju i međusobno povezivanje političarki iz različitih političkih stranaka te povećao vidljivost pitanja rodne ravnopravnosti u javnom prostoru. Posebno značajan rezultat predstavlja uspostavljanje trajnih oblika saradnje između žena iz različitih političkih opcija koje su, uprkos političkim razlikama, prepoznale zajedničke izazove i interese. U projektnim aktivnostima direktno je učestvovalo više od 400 osoba, dok je online kampanja dosegla približno 120.000 korisnica i korisnika.

Publikacije su dostupne na sljedećim linkovima:

<https://fondacijacure.org/wp-content/uploads/2025/05/AnalizaZUP-1.pdf>
ANALIZA-IZBORNOG-PROCESA-2024_.pdf



Nema nazad! 20 godina smo tu! Vidljive, snažne, ujedinjene* ka zajedničkom cilju: stojimo na braniku ostvarenih ženskih prava!

Cilj projekta bio je otvaranje prostora za kritičko promišljanje savremenih društvenih i političkih procesa kroz vizualne i umjetničke izraze otpora, slobode i solidarnosti. Tokom 2025. godine Fondacija CURE realizovala je aktivnosti usmjerene na **osnaživanje političarki, aktivistkinja i umjetnica**, s namjerom jačanja prisutnosti rodno odgovornih i zelenih politika u javnom diskursu i političkim programima u Bosni i Hercegovini, posebno u kontekstu priprema za Opće izbore 2026. godine. Dodatno, aktivnosti projekta doprinijele su jačanju saradnje između političarki, institucija i civilnog društva te promociji javnog dijaloga o rodnoj ravnopravnosti, klimatskim politikama i otporu antirodnom narativima.

U okviru projekta održana je konferencija „**Zeleni i rodno odgovorni prioriteti pred Opće izbore 2026 – Nema nazad!**“, 21. oktobra 2025. godine u Sarajevu, koja je okupila predstavnice i predstavnike političkih partija, institucija, civilnog društva, medija i akademske zajednice. Konferencija je rezultirala skupom preporuka usmjerenih na unaprjeđenje rodno odgovornih i zelenih politika, uključujući pitanja izmjena Izbornog zakona, rodno osjetljivog medijskog izvještavanja i institucionalnog odgovora na antirodne inicijative.

Paralelno su realizovane promotivne i medijske aktivnosti, uključujući kampanju na društvenim mrežama, izradu i distribuciju promotivnih materijala, kao i produkciju kratkog filma i video sadržaja. Otvoren je prostor za strukturiraniji dijalog o povezivanju rodne ravnopravnosti i zelenih politika, uz jasno definisane preporuke za buduće djelovanje uoči Općih izbora 2026. godine.

Aktivnosti projekta doprinijele su jačanju javne vidljivosti feminističkih i rodno odgovornih politika te **postavile temelj** za nastavak zajedničkog djelovanja uoči Općih izbora 2026. godine. U dnevnim programima PitchWise festivala učestvovalo je oko 400 osoba, dok je večernje programe pratilo više od 1.000 posjetiteljki i posjetilaca. Konferenciji je prisustvovalo 20 učesnica i učesnika, uključujući političke aktore/ke, predstavnike/ce institucija, **žene i muškarce te predstavnice i predstavnice organizacija civilnog društva**. Kroz online i medijske kampanje projektni sadržaji dosegli su desetine hiljada osoba putem društvenih mreža i medija.



Istraživanje fragmentacije feminističkog pokreta u Bosni i Hercegovini i ekonomsko osnaživanje žena

Fondacija CURE je i tokom 2025. godine nastavila implementaciju projekta koji se bavi istraživanjem fragmentacije feminističkog pokreta u Bosni i Hercegovini, s fokusom na analizu izazova unutar ženskog i feminističkog organizovanja, kao i na zagovaranje ekonomskog osnaživanja marginalizovanih skupina žena. Kroz projektne aktivnosti kontinuirano su jačani principi solidarnosti, inkluzivnosti i ravnopravnosti, uz kreiranje sigurnih i podržavajućih prostora u kojima žene mogu učiti, razmjenjivati iskustva i razvijati vlastite potencijale.


U okviru komponente ekonomskog osnaživanja razvijena je i štampana publikacija „**Korak po korak: Priručnik za tvoju ekonomsku slobodu**“ autora dr. Faruka Hadžića. Riječ je o inovativnom i praktičnom resursu namijenjenom ženama različitih socio-ekonomskih pozadina. Priručnik nudi konkretne alate, znanja i smjernice koje podržavaju žene na njihovom putu ka ekonomskoj nezavisnosti. Koncipiran je kao interaktivan vodič koji potiče korisnice da prepoznaju vlastite kapacitete, razumiju svoja prava te planiraju konkretne korake ka zapošljavanju, obrazovanju i ličnom razvoju.

Tokom 2025. godine realizovano je šest radionica u lokalnim zajednicama (Tuzla, Konjic, Velika Kladuša, Bosanska Krupa, Bugojno i Mostar), koje su bile prilagođene specifičnim potrebama učesnica i lokalnom kontekstu. Radionice su kombinovale edukativne, interaktivne i refleksivne metode rada, a vodio ih je autor priručnika, doc. dr. Faruk Hadžić, univerzitetski profesor i dekan SSST-a u Sarajevu.

Provedene aktivnosti pokazale su da feministički pristup ekonomskom osnaživanju nadilazi klasične edukativne okvire i djeluje kao transformativan proces. Kroz prostore podrške, međusobnog učenja i razmjene iskustava, učesnice su osnažile svoje samopouzdanje, prepoznale vrijednost vlastitog rada i stekle konkretne alate za aktivno djelovanje.

Priručnik je dostupan na sljedećem linku:
https://fondacijacure.org/wp-content/uploads/2025/07/Korakporak_b5_web_FINAL.pdf





Ženska Mreža BiH #solidarnost

Ženska mreža BiH, kojom koordinira Fondacija CURE, u 2025. godini nastavila je jačati mrežu kroz pružanje kontinuirane podrške članicama. U tom okviru, koordinirajuća organizacija je kroz male grantove podržala lokalne organizacije u realizaciji aktivnosti u lokalnim zajednicama tokom obilježavanja Međunarodnog dana žena (8. mart) i kampanje „16 dana aktivizma protiv rodno zasnovanog nasilja“ (25. novembar – 10. decembar). Ove aktivnosti doprinijele su jačanju lokalnog djelovanja, vidljivosti i kapaciteta organizacija: Udruženje omladine sa invaliditetom Inforpart Banja Luka, Udruženje Romka djevojka Romani Čej Prnjavor, Organizacija Glas žene Bihać, Udruženje žena Romkinja Bijeljina, Udruženje Ženska vizija Tuzla, Udruženje žena Derventa, Udruženje žena Romkinja Bolja Budućnost Tuzla, Udruženje Žena za ženu Konjic, Udruženje žena Nera Konjic.

Pored toga, radile smo na unaprjeđenju internih procedura i razvoju strateškog plana za naredni trogodišnji period, čime smo dodatno osnažile institucionalni okvir djelovanja mreže.

U ime Ženske mreže BiH učestvovala smo u Berlinskom dijalogu kroz konferencije održane u Sarajevu i Podgorici, gdje smo predstavljale zajedničke stavove i zagovarale unaprjeđenje politika rodne ravnopravnosti i zaštite žena od nasilja.

Tokom godine, Ženska mreža BiH kontinuirano je reagovala na slučajeve femicida i teških oblika rodno zasnovanog nasilja kroz javna saopštenja, medijske istupe i zagovaračke aktivnosti. Posebno izdvajamo saopštenje „Nema opravdanja za najteže oblike nasilja nad ženama i djevojčicama“, u kojem smo najoštrije osudile seksualnu eksploataciju djevojčica štitenica Prihvatilišta za maloljetna lica u Tuzlanskom kantonu.

Ukazale smo i na to da institucionalni odgovor mora biti hitan, odlučan i zasnovan na punoj odgovornosti svih uključenih, uz insistiranje na zaštiti dostojanstva i sigurnosti žrtava, kao i na sveobuhvatnoj podršci – psihološkoj, pravnoj i socijalnoj.

PARTNERSTVA

Mir sa ženskim licem

Ženski sud – regionalni organizacioni odbor

Pristup predvođen pokretom za rodnu ravnopravnost
na Zapadnom Balkanu

Aktivističko naslijeđe - digitalni glasovi mladih za
pravdu i sjećanja u Srbiji i BiH



Mir sa ženskim licem

Fondacija CURE je članica Inicijative „Mir sa ženskim licem“, kojom koordinira Fondacija Lara Bijeljina. Inicijativa je nastala 2013. godine kao odgovor braniteljica prava žena na isključenje žena iz politika tranzicione pravde i na nedovoljnu osjetljivost ovih politika na štetu i patnje koje su žene u BiH preživjele tokom rata i u procesu oporavka od njegovih posljedica. Sudjelovale smo na panel diskusiji „Žene i nazivi ulica“ kao panelistkinje, gdje nam se pružila prilika da istaknemo glasove ženskog aktivizma, mapiramo žensko naslijeđe i otvorimo dijalog o vraćanju žena u javni prostor kroz kulturu sjećanja.

Prisustvovala smo i svečanom predstavljanju murala nastalog u okviru kampanje „100 žena – 100 ulica po ženama“, koje je okupilo predstavnice lokalnih institucija, članice i podržavateljke Inicijative Mir sa ženskim licem te građane Bijeljine.



Ženski sud – regionalni organizacioni odbor

U periodu od 9. do 11. maja u Sarajevu održan je Regionalni sastanak Ženskog suda – feministički pristup pravdi, na kojem su obilježena dva značajna jubileja: deset godina od organizovanja Ženskog suda – feministički pristup pravdi u Sarajevu (7. – 10. maj 2015.) te dvije godine od Ženskog suda – Slučaj Foča (Beograd, 26. juni 2023.).

Ovaj susret bio je i prilika da istaknemo koliko smo ponosne na odgovoran, hrabar i kreativan doprinos, kao i na prijateljstvo, toplinu i međusobnu podršku svih žena uključenih u proces rada Ženskog suda.



Pristup predvođen pokretom za rodnu ravnopravnost na Zapadnom Balkanu

Fondacija CURE implementira regionalni projekat „Pristup predvođen pokretom za rodnu ravnopravnost na Zapadnom Balkanu“, s ciljem jačanja feminističkih pokreta u regionu. Projekat obuhvata osam zemalja: Bosnu i Hercegovinu, Sloveniju, Hrvatsku, Srbiju, Albaniju, Kosovo, Sjevernu Makedoniju i Crnu Goru.

Inicijativa je usmjerena na unaprjeđenje ženskih prava kroz fleksibilno finansiranje i bolji pristup resursima, s krajnjim ciljem ostvarivanja dugoročnih društvenih promjena. Kroz ovaj program Fondacija CURE doprinosi prepoznavanju i adresiranju ključnih izazova s kojima se suočavaju feminističke inicijative, istovremeno jačajući lokalne napore usmjerene ka zaštiti ljudskih prava i izgradnji pravednijeg i ravnopravnijeg društva.

U okviru ovog regionalnog partnerstva, u oktobru 2025. godine održana je četvrta regionalna konferencija, koja je okupila 50 učesnica i učesnika iz partnerskih organizacija iz svih osam zemalja.



Aktivističko naslijeđe - digitalni glasovi mladih za pravdu i sjećanje u Srbiji i BiH

Fondacija CURE je u partnerstvu s Fondacijom Jelena Šantić iz Beograda realizovala projekat „Aktivističko naslijeđe – digitalni glasovi mladih za pravdu i sjećanje u Srbiji i BiH“, u okviru kojeg je organizovana Škola digitalnog i kreativnog aktivizma „Linkuj promjenu“.

Škola je održana od 4. do 7. decembra 2025. godine na Zlatiboru i okupila mlade aktiviste i aktivistkinje iz organizacija civilnog društva iz Bosne i Hercegovine i Srbije. Kroz četverodnevni program učesnici i učesnice razvijali su vještine digitalnog zagovaranja, storytellinga i vizuelnog komuniciranja, **istraživali naslijeđe sukoba iz 1990-ih godina** i kolektivno sjećanje te učili o ulozi umjetnosti, digitalne sigurnosti i borbe protiv dezinformacija u izgradnji kulture mira i solidarnosti.



KAMPANJE

Kampanja za besplatno i dostupno posredovanje
prilikom razvoda u Federaciji Bosne i Hercegovine

Njeno ime zaslužuje ulicu



Kampanja za besplatno i dostupno posredovanje prilikom razvoda u Federaciji Bosne i Hercegovine

Fondacija CURE je tokom deset sedmica, od maja do jula, bila partnerska organizacija Centru ženskih prava iz Zenice u realizaciji javne kampanje usmjerene na skretanje pažnje javnosti na prepreke i probleme sa kojima se susreću žene u procesu posredovanja prilikom razvoda braka u Federaciji BiH. Cilj kampanje bio je podizanje svijesti u društvu o ovom problemu, te promocija potpisivanja Peticije za besplatno i dostupno posredovanje kako bi se osigurala ravnopravnost i zaštita prava žena u postupku razvoda.

Tokom kampanje, na kreativne i inovativne načine, iz sedmice u sedmicu, prenosile su se poruke Centra ženskih prava: „U Federaciji Bosne i Hercegovine, žene koje žele izaći iz nasilnih brakova suočene su sa nizom prepreka – administrativnih, geografskih i finansijskih. Iako nijedan zakon ne propisuje da žrtve nasilja moraju plaćati uslugu posredovanja, u mnogim općinama Federacije BiH centri za socijalni rad naplaćuju posredovanje, ponekad i do 400 KM. U nekim kantonima je ta usluga besplatna. U drugima – ne postoji. Žene koje trpe psihološko nasilje često ne mogu biti oslobođene plaćanja jer sistem ne prepoznaje njihove traume bez 'dokaza' u vidu fizičkog nasilja.“

Kroz javne kanale Fondacije CURE prenosile su se poruke da treba ispraviti sistemske nepravde koje ženama uskraćuju sigurnost i pravo na život bez nasilja, te je prenesena informacija da Centar ženskih prava traži hitne izmjene Porodičnog zakona FBiH, u smislu ukidanja naplate posredovanja u svim kantonima FBiH, uvođenja obaveze dostupnosti usluge u svakoj općini, te da pravo na sigurnost mora biti jednako dostupno svima.

Njeno ime zaslužuje ulicu

U saradnji sa Fondacijom LARA, Fondacija CURE realizovala je kampanju „Njeno ime zaslužuje ulicu“, usmjerenu na promociju i vidljivost žena koje su svojim djelovanjem ostavile značajan trag u društvenom, kulturnom i historijskom razvoju Bosne i Hercegovine.

Kroz šest kratkih videa, Nikola Vučić, Duje Martinić Cezar, Josip Milanović, Adi Bebanić, Emir Fejzić i Amer Kadić predstavili su bosanskohercegovačke heroine **Aidu Buturović**, **Milenu Mrazović**, **Adelu Ber**, **Staku Skenderovu**, **Zehru Muidović Hakirević** i **Adeline Pauline Irby**. Kampanja je istaknula žene čija su imena već zastupljena u javnom prostoru kroz nazive ulica ili murale, ali i one čiji doprinos još uvijek nije adekvatno prepoznat i valorizovan.

Kroz predstavljanje njihovih životnih priča i doprinosa zajednici, kampanja je ukazala na značaj očuvanja ženskog naslijeđa i ravnopravnije zastupljenosti žena u kulturi sjećanja. Poseban fokus stavljen je na doprinos žena u oblastima obrazovanja, kulture, humanitarnog rada, društvenog aktivizma i izgradnje mira.

Aktivnosti kampanje doprinijele su podizanju svijesti o važnosti vidljivosti žena u javnom prostoru te otvorile prostor za širu diskusiju o načinima memorijalizacije i očuvanja historijskog naslijeđa žena u Bosni i Hercegovini.

Pozivamo vas da pogledate ove video-priče na Instagram profilu [@fondacijacure](#) i zajedno s nama istražujete bogatu žensku historiju Bosne i Hercegovine.



MREŽE

Fondacija CURE prepoznaje aktivno uključivanje u mreže i zajedničke inicijative kao snažan način za jačanje solidarnog i otvorenog ženskog pokreta u Bosni i Hercegovini, regiji te cijelom svijetu. Kroz ove saradnje usmjeravamo svoje znanje, iskustvo i feminističku posvećenost unaprjeđenju prava žena, ali i prava drugih marginalizovanih grupa u društvu.

Fondacija CURE aktivno doprinosi i učestvuje u radu sljedećih mreža i inicijativa:

- GLOBAL FUND FOR WOMEN – Globalni fond za žene (Pristup predvođen pokretom za rodnu ravnopravnost na Zapadnom Balkanu)
- Inicijativa „Mir sa ženskim licem“
- ERA – Asocijacija za jednaka prava LGBTI osoba
- EuroMed Feministička inicijativa
- BiH mreža Anna Lindh Foundation (ALF BiH)
- Inicijativa za monitoring evropskih integracija u Bosni i Hercegovini
- Koalicija za borbu protiv govora mržnje i zločina iz mržnje
- Ženski sud – Regionalni organizacioni odbor
- Inicijativa Građanke za ustavne promjene
- ILGA Europe
- Inicijativa civilnog društva Bosne i Hercegovine za Univerzalni periodični pregled (UPR)
- IGLYO
- Visoka škola za turizam i menadžment Konjic i obrazovanje marginaliziranih žena
- EuroCentralAsian Lesbian* Community
- ECA Civil Society Steering Committee for Beijing +30 (Koordinacioni odbor organizacija civilnog društva za Beijing +30 u Evropi i Centralnoj Aziji)
- WAVE – Women Against Violence Europe (Evropska mreža protiv nasilja nad ženama)

Aktivnosti Fondacije CURE u 2025. godini

Tokom 2025. godine, predstavnice Fondacije CURE aktivno su učestvovala u brojnim događajima, konferencijama, edukacijama i panelima na međunarodnom, regionalnom i lokalnom nivou. Ove aktivnosti doprinijele su jačanju saradnje s partnerskim organizacijama, promociji feminističkih vrijednosti, osnaživanju žena i djevojaka, kao i povećanju vidljivosti ključnih pitanja iz oblasti ljudskih prava i rodne ravnopravnosti.

Poseban akcenat stavljen je na njegovanje principa solidarnosti unutar civilnog društva kroz kontinuirano prisustvo i podršku događajima koje organizuju druge nevladine organizacije. Fondacija CURE ujedno je ostala otvoren prostor za razmjenu znanja i iskustava, pružajući podršku studentima i studenticama, kako iz Bosne i Hercegovine, tako i iz inostranstva, koji/e su u okviru svojih akademskih obaveza i istraživanja radili/e na temama iz oblasti rodne ravnopravnosti, feminizma, mirovnog aktivizma i ljudskih prava.

Studijska posjeta predstavnica Fondacije CURE u Beču: posjeta Parlamentu Republike Austrije i WienWoche

U okviru studijske posjete Austriji, u periodu od 24. do 28. marta 2025. godine, predstavnice Fondacije CURE imale su priliku kao gošće prisustvovati sjednici Parlamenta Republike Austrije, koja se održavala uživo, a tokom koje se raspravljalo o ekonomskim pitanjima i donosile relevantne odluke. Ova jedinstvena prilika omogućila je neposredno praćenje toka parlamentarne rasprave, kao i uvid u sam proces donošenja odluka, uključujući i način provođenja glasanja.

Tokom posjete upriličen je sastanak s Andreasom Minnichem, zastupnikom u Parlamentu Republike Austrije, što je dodatno doprinijelo razumijevanju zakonodavnog procesa i političkog konteksta u Austriji.

Tokom boravka u Beču, održani su i susreti s predstavnicama festivala WienWoche, kao i s dugogodišnjim prijateljicama i saradnicama Zoe Gudović, Jelenom Micić i Natašom Mackuljak. Festival WienWoche prepoznat je po inovativnom povezivanju umjetnosti i aktivizma, a ovom prilikom imale smo mogućnost upoznati se i s njihovim internship programom. Razgovarale smo o potencijalnim poveznicama između festivala PitchWise i WienWoche, čime su otvorene nove perspektive za saradnju, razmjenu znanja i razvoj zajedničkih inicijativa i projekata.



Fondacija CURE na 69. sjednici UN Komisije o statusu žena (CSW69), New York

Članica tima Fondacije CURE, Selma Hadžihalilović, učestvovala je na 69. sjednici UN Komisije o statusu žena (Commission on the Status of Women – CSW), koja je održana u New Yorku od 10. do 21. marta 2025. godine. Učestvovala je kao članica UN ECA Civil Society Steering Committee Beijing +30 i predstavnica EuroMed Feminist Initiative (EFI – ECOSOC akreditacija).

Pored brojnih učešća na događajima i sastancima visokog nivoa, Selma se posebno istakla izlaganjem na zvaničnom događaju UN Komisije pod nazivom „Interaktivni dijalog – sloboda od nasilja, stigma i stereotipi“ (Interactive Dialogue – Freedom from Violence, Stigma and Stereotypes). Tom prilikom govorila je o ključnim preporukama Komiteta, ali i prenijela glas žena aktivistkinja iz Bosne i Hercegovine i regije Zapadnog Balkana, posebno u kontekstu izgradnje mira i borbe protiv rodno zasnovanog nasilja.

U svom govoru Selma je naglasila: „Ove godine se obilježava i 30 godina od genocida u Srebrenici i potpisivanja Daytonskog mirovnog sporazuma, a ja želim s vama podijeliti neke od naučenih lekcija vezanih za naš rad na izgradnji mira i iskorjenjivanju nasilja nad ženama. Znete li da tokom mirovnih pregovora u Daytonu nije bila prisutna nijedna žena? Da je tada za stolom bilo žena, uvjereni sam da bi mnogo toga u proteklim desetljećima bilo drugačije. Teško mi je govoriti o pozitivnim primjerima kada sam itekako svjesna nasilja u kojem žive žene u Gazi i Ukrajini. Lekcija koju sam naučila i poruka koju moram uputiti svima vama jeste da se rat, zapravo, nikada ne završava. Posljedice rata i dalje su prisutne u mojoj zajednici, duboko skrivene u teškoj posttraumatskom poremećaju od kojeg pati cijelo društvo. Teško je povjerovati, ali uprkos svom našem trudu vezanom za izgradnju mira – još uvijek ne postoji Ministarstvo za mir. Braniteljice ženskih prava godinama rade i trude se kroz brojne inicijative razumjeti šta su zapravo mir i pravda. Cilj našeg djelovanja kroz inicijativu 'Ženski sud' jeste

redefinisanje značenja pravde iz ženske perspektive kako bi preživjele postale subjekti pravde. Inicijativa 'Mir sa ženskim licem' ukazuje na patnju žena iz svih strana u ratu. Najsnažnije pružamo podršku našoj zaboravljenoj djeci rata, čija je hrabrost u radu na transformaciji pravde i identiteta djece rođene u ratu temelj svakog zalaganja u izgradnji mira...“

Selmino prisustvo na CSW69 i njeno izlaganje pred UN delegatkinjama i delegatima predstavljaju važan doprinos vidljivosti feminističkog pokreta iz Bosne i Hercegovine na međunarodnoj sceni, ali i još jednu potvrdu da su ženski glasovi ključni u mirovnim procesima – kako danas, tako i u budućnosti.



PitchWise na Kvirhani u Sarajevu

Sudjelovale smo na festivalu Kvirhana koji se ove godine održao pod snažnim sloganom „Nismo ti mi od jučer“, kojim se jasno i glasno afirmira postojanje, otpor i doprinos LGBTIQ+ osoba kroz historiju. Na panelu „Kulturni značaj feminističkih i kvir festivala“ predstavile smo PitchWise festival ženske umjetnosti i aktivizma, naglašavajući njegovu važnost za povezivanje umjetnosti, politike i borbe za ljudska prava.

Fondacija CURE na konferenciji „Žene, mir i sigurnost 1325“ u Kanadi

Članica tima Fondacije CURE Selma Hadžihalilović, na direktan poziv Direktorata za rodnu ravnopravnost i intersekcionalnu analizu (DGEIA) Ministarstva odbrane Kanade, učestvovala je kao jedna od glavnih govornica na Konferenciji „Žene, mir i sigurnost“ 2025 (#WPS25), koja je održana od 27. do 29. oktobra 2025. godine u Ottawi, Ontario, Kanada.

Kao završna govornica na konferenciji, govorila je o značaju učešća žena u mirovnim procesima, posebno u mirovnim pregovorima, te o važnosti kontinuiranog ulaganja u izgradnju mira, solidarnosti i obrazovanja za mir. U svom obraćanju naglasila je da održivi mir nije moguć bez aktivnog uključivanja žena u procese donošenja odluka i kreiranja politika koje doprinose sigurnijim i pravednijim društvima.

U znak zahvalnosti za učešće i doprinos konferenciji, direktor Direktorata za rodnu ravnopravnost i intersekcionalnu analizu Ministarstva odbrane Kanade uručio je Selmi Hadžihalilović posebno priznanje za izvrsnost. Ovo priznanje predstavlja potvrdu značaja rada Fondacije CURE na promociji ženskih prava, mira i sigurnosti, kao i međunarodnog prepoznavanja doprinosa organizacije ovim temama.



Jačanje inicijative za uspostavljanje Kuće ljudskih prava Sarajevo kroz regionalnu saradnju

Fondacija CURE je zajedno s partnerskim organizacijama – MyRight – Empowering People with Disabilities BiH, Sarajevski otvoreni centar i Udruženje građana Zašto ne – pokrenula inicijativu za uspostavljanje Kuće ljudskih prava Sarajevo s ciljem stvaranja zajedničkog, sigurnog i pristupačnog prostora za dijalog, saradnju i javno djelovanje u oblasti ljudskih prava, u saradnji s lokalnim institucijama i uz podršku Human Rights House Foundation iz Osla.

U okviru ovih aktivnosti, predstavnice i predstavnici inicijative učestvovali su na regionalnoj radionici održanoj u Zagrebu 8. i 9. decembra 2025. godine, posvećenoj jačanju mehanizama zaštite i podrške braniteljicama i braniteljima ljudskih prava. Radionica je omogućila razmjenu iskustava, identifikaciju ključnih potreba te dogovor o zajedničkim aktivnostima unutar Regionalne mreže, uključujući zagovaranje, mehanizme hitne relokacije i pružanje psihosocijalne podrške. Na taj način dodatno su osnaženi regionalna saradnja i razvoj inicijative Kuće ljudskih prava Sarajevo.

Susret novinarki i aktivistkinja iz Bosne i Hercegovine i Srbije u Beogradu

Krajem 2025. godine učestvovala smo na susretu s grupom „Novinarke protiv nasilja“ i neformalnom novinarsko-aktivističkom platformom iz Bosne i Hercegovine kako bismo razgovarale o praksama izvještavanja o nasilju nad ženama, razmijenile iskustva i pružile međusobnu podršku. Kroz ove susrete gradimo zajedničko razumijevanje izazova s kojima se suočavaju novinarki i aktivistkinje te doprinosimo unaprjeđenju kvaliteta medijskog izvještavanja o rodno zasnovanom nasilju.

Profesionalno, odgovorno i rodno osjetljivo izvještavanje ima važnu ulogu u prevenciji nasilja, borbi protiv stereotipa i podizanju svijesti javnosti o ovom društvenom problemu. Ovakvi susreti predstavljaju dragocjen prostor za razmjenu znanja, iskustava i dobrih praksi, ali i za jačanje regionalne saradnje i solidarnosti.

Ponosne smo što smo dio ove inicijative i što imamo priliku razvijati saradnju s novinarkama i aktivistkinjama koje svojim radom doprinose stvaranju sigurnijeg i pravednijeg društva za sve žene i devojčice. Nema nazad!



Ostale aktivnosti

- **6. mart, Sarajevo** – predstavnica Fondacije CURE učestvovala je na Otvorenom sastanku „Žene u historiji BiH: kako ih nastaviti istraživati, bilježiti i pamtiti?“ održanom u Historijskom muzeju BiH povodom 8. marta – Dana žena.
- **7. mart, Sarajevo** – predstavnica Fondacije CURE učestvovala je na panelu „Pekinška deklaracija – 30 godina poslije“ na Pravnom fakultetu Univerziteta u Sarajevu, gdje je govorila o ženskom mirovnom aktivizmu u posljednjih trideset godina.
- **11. mart, Sarajevo** – predstavnica Fondacije CURE učestvovala je na okruglom stolu „Izbrisane iz historije: Prvi radnički štrajk u BiH“ u Jevrejskoj općini Sarajevo, gdje je predstavila razvoj ženskog pokreta u Bosni i Hercegovini.
- **12. mart, Foča** – Na poziv neformalne grupe studenata SANUS MEDICUS Medicinskog fakulteta u Foči, predstavnice Fondacije CURE učestvovala su na događaju „Ruže venu, žene ne smiju“, gdje su predstavile rad Fondacije CURE na prevenciji vršnjačkog nasilja, nasilja nad ženama i femicida.
- **4. – 6. april, Radmilovci kod Beograda** – Predstavnica Fondacije CURE učestvovala je na Regionalnom sastanku Mreže Žena u crnom, koji je okupio 68 učesnica i učesnika iz različitih dijelova Bosne i Hercegovine (Tuzla, Sarajevo i Zvornik), Crne Gore (Kotor i Pljevlja), Hrvatske (Zagreb), Kosova (Gjakova/Đakovica), Izraela (Haifa), Palestine (Betlehem), Poljske (Krakov), Slovenije (Ljubljana) i Srbije (Priboj na Limu, Beograd, Kruševac, Zrenjanin, Novi Sad, Sombor, Leskovac, Bajina Bašta, Novi Pazar, Kraljevo, Pančevo i Vlasotince).

Susret je započeo Minutom šutnje za osobe koje više nisu među nama, za sve žrtve ratova, izbjeglice i žrtve prirodnih katastrofa. Tokom sastanka razgovaralo se o tranzicionoj pravdi iz feminističke perspektive, genezi i evoluciji ratova, svjedočenjima s terena iz ratnih zona te studentskim buntovima, blokadama i marševima.

- **23. – 26. april, Rim** – Predstavnice Fondacije CURE učestvovala su na Četvrtoj konferenciji EuroCentralAsian Lesbian* Community (EL*C), koja je okupila više od 750 učesnica iz Evrope i Centralne Azije. Konferencija je pružila siguran prostor za razmjenu iskustava, osnaživanje i političko organizovanje lezbejki i LBTQIA+ osoba. Kroz panele, radionice i diskusije obrađene su teme interseksionalnosti, medijske reprezentacije, ekonomskih izazova, mentalnog zdravlja, nasilja u partnerskim odnosima i uslova života lezbejki u različitim društvenim kontekstima.



- **29. april, Konjic** – Predstavnice Fondacije CURE prisustvovala su javnoj odbrani diplomskog rada Larise Kovačević, prve studentice projekta „Obrazovanje obespravljenih djevojaka/žena u BiH“ na Visokoj školi za turizam i menadžment u Konjici.
- **13. maj, Sarajevo** – Predstavnicu Fondacije CURE učestvovala je u projektu Meridiano D'Europa kroz edukativni program koji je okupio više od 250 srednjoškolaca/ki iz Italije tokom njihove posjete Sarajevu i Srebrenici. Program je bio posvećen promociji ljudskih prava, demokratskih vrijednosti i aktivnog građanstva među mladima.
- **13. maj, Sarajevo** – Na Centru za interdisciplinane studije Univerziteta u Sarajevu predstavnicu Fondacije CURE predstavile su rad organizacije polaznicama i polaznicima radionice u okviru EU Peace LL projekta. Razgovaralo se o nasilju među mladima, s posebnim fokusom na rodno zasnovano nasilje i nasilje u digitalnom prostoru.
- **16. – 18. maj, Bosanska Krupa** – Predstavnicu Fondacije CURE učestvovala su na konferenciji „Ujedinjene za mir i sigurnost“, koja je okupila 310 učesnica iz Bosne i Hercegovine i dijaspore. Tokom konferencije potpisan je Memorandum o zajedničkom djelovanju u okviru UN Rezolucije 1325 „Žene, mir i sigurnost“, koji su podržala 62 udruženja.
- **23. maj, Sarajevo** – Predstavnicu Fondacije CURE učestvovala su na prvom GenZ FEST-u, održanom u Homework HUB-u. Tokom festivala predstavile su aktivnosti Fondacije i razgovarale s mladima o njihovim interesima, potrebama i mogućnostima društvenog angažmana.

- **24. maj, Kozarac** – Predstavnicu Fondacije CURE učestvovala su na Međunarodnoj konferenciji „Srcem do



mira“, u organizaciji Udruženja „Srcem do mira“. Konferencija je bila posvećena ulozi žena u procesima izgradnje mira, pravde i pomirenja, a okupila je brojne mirovne aktivistkinje i zagovaračice ljudskih prava.

- **27. maj, Sarajevo** – Predstavnicu Fondacije CURE prisustvovala su promociji knjige „Ptice koje odlaze i vraćaju se u kavez života“ autorica Melihe Sendić i Duške Andrić, održanoj u Muzeju književnosti i pozorišne umjetnosti Bosne i Hercegovine. Tokom promocije razgovaralo se o društvenim očekivanjima, stereotipima i izazovima s kojima se žene suočavaju u savremenom društvu.
- **3. juni, Sarajevo** – Predstavnicu Fondacije CURE učestvovala su u realizaciji okruglog stola „Zašto geoparkovi u BiH i zašto obespravljene žene“, posvećenog povezivanju zaštite prirodnog naslijeđa, održivog razvoja i osnaživanja žena.

- **10. juni, Sarajevo** – Predstavnice Fondacije CURE učestvovala su na radnom sastanku sa specijalnom izvijestiteljicom Ujedinjenih nacija za braniteljice i branitelje ljudskih prava, Mary Lawlor. Razgovaralo se o položaju braniteljica i branitelja ljudskih prava u Bosni i Hercegovini, s posebnim fokusom na zaštitu prava žena, manjina, LGBTIQ+ osoba, osoba s invaliditetom, migranata i mirovnih aktivistkinja i aktivista.
- **8. – 15. juni, Ljubljana** – Predstavnice Fondacije CURE učestvovala su na međunarodnom seminaru organizovanom u okviru Ljubljana Pride Festivala. Seminar je okupio aktivistkinje iz različitih zemalja svijeta radi razmjene iskustava o ljudskim pravima, LGBTIQ+ pitanjima i savremenim oblicima aktivizma, a završen je učešćem u Paradi ponosa sa jasnom porukom: No Pride in Genocide.



- **12. juni, Sarajevo** – Predstavnice Fondacije CURE prisustvovala su prijemu koji je organizovala Ambasada Ujedinjenog Kraljevstva povodom rođendana kralja Charlesa III, gdje su se susrele s predstavnicima institucija, diplomatske zajednice, civilnog društva i međunarodnih organizacija.
- **14. juni, Sarajevo** – Predstavnice Fondacije CURE učestvovala su na šestoj Bh. povorci ponosa, održanoj pod sloganom „Ljubav je zakon“, zajedno s brojnim građankama i građanima, aktivistkinjama i aktivistima te predstavnicima organizacija civilnog društva.
- **19. – 22. juni, Tuzla** – Predstavnica Fondacije CURE učestvovala je na Festivalu Savremena žena kroz panel diskusiju organizovanu u okviru Evropskog dijaloga u BiH „30 godina mira – kako dalje?“ i sesije „Monitoring – Znamo li sva naša prava?“.



21. – 23. juli, Bjelašnica – Predstavnice Fondacije CURE učestvovala su na radionici „Mir počinje u meni: Prevencija burnouta za one koje stvaraju promjene“, namijenjenoj učesnicama Ženskog mirovnog kampa.

- **20. – 24. juli, Subotica** – Predstavnice Fondacije CURE učestvovala su u retreat programu koji je okupio aktivistkinje iz Rumunije, Grčke, Sjeverne Makedonije, Crne Gore, Albanije i Srbije, s ciljem jačanja regionalne saradnje i feminističke solidarnosti.



- **27. – 29. august, Mostar** – Predstavnice Fondacije CURE učestvovala su na susretu partnerskih organizacija mreže Kvinna till Kvinna u Bosni i Hercegovini.
- **Septembar, Bukurešt** – Predstavnice Fondacije CURE učestvovala su na 27. WAVE konferenciji „Feminist Solidarity and Collective Action: Reclaiming our Power to End Violence Against Women“, posvećenoj feminističkoj solidarnosti i zajedničkom djelovanju u borbi protiv nasilja nad ženama.

- **9. – 11. oktobar, Rijeka** – Predstavnice Fondacije CURE učestvovala su na Festivalu queer i feminističke kulture Smoqua, koji već devet godina promovira povezivanje kulture, aktivizma i društvene odgovornosti.
- **9. – 12. oktobar, Tirana** – Volonterka Fondacije CURE predstavljala je organizaciju na međunarodnom kongresu „Congress of Young Europeans“, koji je okupio više od stotinu mladih iz različitih dijelova svijeta.
- **23. oktobar, Sarajevo** – Predstavnice Fondacije CURE održale su sastanak sa studenticama i studentima Doha Institute for Graduate Studies, tokom kojeg se razgovaralo o ratnim zločinima, izgradnji mira, suočavanju s prošlošću i iskustvima ženskog aktivizma.
- **24. – 26. oktobar, Tuzla** – Predstavnice Fondacije CURE učestvovala su na Regionalnom forumu mirovnjakinja, feministkinja i aktivistkinja „Feministički forum otpora i solidarnosti“.
- **30. – 31. oktobar, Sarajevo** – Predstavnice Fondacije CURE podržale su akciju besplatnih ultrazvučnih pregleda dojki za žene do 45 godina starosti, organizovanu u saradnji s Udruženjem „Heroine“ iz Biograda, Udruženjem Renesansa i drugim partnerskim organizacijama.
- **24. – 27. novembar, Priština** – Predstavnice Fondacije CURE učestvovala su na regionalnoj konferenciji „ERA u 10. godini: Gradimo ono što slijedi – hrabre, ujedinjene i nezaustavljive!“, posvećenoj jačanju regionalne saradnje i ženskog liderstva.

Posjete i susreti tokom 2025. godine

- 27. januara ugostile smo Christinu Boger sa School of Global Studies, University of Gothenburg. Razgovarale smo o dugoročnim političkim posljedicama pandemije COVID-19 na građane i građanke Bosne i Hercegovine.
- 6. marta imale smo čast ugostiti Mozn Hassan, istaknutu egipatsku feministkinju i osnivačicu organizacije Nazra for Feminist Studies, koja se bavi dokumentovanjem kršenja ljudskih prava i zagovaranjem ženskih prava u Egiptu. Za svoj rad dobila je niz priznanja, uključujući Charlotte Bunch Human Rights Award 2013. godine i Right Livelihood Award (poznatu kao „alternativna Nobelova nagrada za mir“) 2016. godine. Zbog optužbi povezanih sa zakonom o stranom finansiranju trenutno joj je zabranjeno putovanje, a imovina blokirana, što predstavlja dio šireg pritiska egipatskih vlasti na organizacije civilnog društva.



- 10. aprila ugostile smo studentice i studente socijalnog rada sa FH JOANNEUM University of Applied Sciences iz Austrije. Sa oko 50 studentica, studenata, profesorica i profesora razgovarale smo o životu u Bosni i Hercegovini, mogućnostima za kvalitetan život mladih osoba, preprekama i izazovima s kojima se susreću tokom školovanja, kao i o evropskoj zelenoj transformaciji.



- 21. maja razgovarale smo sa Alminom Selimbašić, studenticom Pravnog fakulteta Univerziteta u Sarajevu, o društvenim protestima i aktivizmu, s posebnim osvrtom na ulogu i učešće žena u ovim procesima.
- 19. juna razgovarale smo sa Paolom Senore sa Univerziteta u Bolonji o dosadašnjem učešću predstavnica Fondacije CURE u procesu Ženskog suda.
- 28. jula Fondaciju CURE posjetilo je pet stipendistkinja i stipendista iz različitih dijelova svijeta tokom Sedmice akcije koju je organizovalo udruženje Humanity in Action Bosna i Hercegovina. Tokom susreta razgovaralo se o razvoju i transformaciji političke i društvene propagande od socijalističkog perioda do danas, kao i o historijskom i

ideološkom razvoju ženskog pokreta u Bosni i Hercegovini. Posebna pažnja posvećena je učešću žena u političkom životu i njihovoj nedovoljnoj zastupljenosti tokom izbornih procesa. Predstavnice Fondacije CURE predstavile su dio svojih aktivnosti i terenskog rada te podijelile preporuke za daljnja historijska istraživanja kojima se ova grupa planira baviti.


- 31. augusta posjetio nas je Tim KWAK, čiji su članovi Filip Schlosser, IT stručnjak i pilot, te Adrien Vernimmen, belgijski diplomata. Na svom putovanju od Praga kroz zemlje Balkana odlučili su podržati rodnu ravnopravnost u Bosni i Hercegovini. Svoje putovanje povezali su s humanitarnom akcijom te prikupili donacije koje su usmjerili Fondaciji CURE kao podršku našem radu.



- 22. decembra u Sarajevu su nas posjetile 23 prijateljice iz Udruženja žena Peščanik Kruševac i drugih organizacija okupljenih u Mreži žena Rasinskog okruga iz Republike Srbije. Tokom susreta razgovarale smo o radu i vrijednostima naših organizacija te razmijenile iskustva stečena kroz dugogodišnji aktivistički angažman, kao i o izazovima s kojima se svakodnevno suočavamo.



- Tokom ljetnih mjeseci pružile smo prostor za rad i istraživanje Lei Kerst, studentici postdiplomskog studija „Međunarodni odnosi u historijskoj perspektivi“ na Univerzitetu u Utrechtu. Bilo nam je zadovoljstvo ugostiti Leu kao volonterku i pružiti joj podršku u istraživačkom radu. Omogućile smo joj prisustvo različitim seminarima, konferencijama i studijskim posjetama, što joj je pomoglo da uspostavi nove kontakte i produbi razumijevanje društveno-političkog konteksta Bosne i Hercegovine. Tokom boravka upoznale smo je sa brojnim predstavnicama i predstavnicima domaće i međunarodne civilne scene u Bosni i Hercegovini, čime je dodatno proširila svoja znanja i iskustva.



Detaljan pregled naših mjesečnih aktivnosti tokom 2025. godine dostupan je u newsletterima Fondacije CURE na web stranici www.fondacijacure.org

Digitalna i medijska vidljivost Fondacije CURE

Tokom 2025. godine Fondacija CURE nastavila je jačati svoje prisustvo u medijskom prostoru, aktivno učestvujući u javnim debatama, razgovorima i intervjuima. Kroz analize, izjave i inicijative promovirale smo prava žena, borbu protiv rodno zasnovanog nasilja i femicida, aktivizam, društvenu odgovornost i ustavne promjene.

Kroz oko 30 gostovanja na televiziji, radiju i podcastima, kao i brojne objave u online i printanim medijima, kontinuirano smo bile prisutne u javnom prostoru. Na taj način otvarale smo prostor za razgovor o ljudskim pravima, rodnoj ravnopravnosti i društvenim izazovima te doprinosile podizanju svijesti o pitanjima koja su od značaja za žene i marginalizovane grupe u Bosni i Hercegovini.

Tokom godine članice Fondacije gostovale su na televizijskim stanicama TVSA, N1, BHT1, Federalna televizija, NewsMax i Nova TV, gdje su govorile o ključnim društvenim i političkim temama, uključujući Osmomartovski marš, PitchWise festival, kampanju „16 dana aktivizma protiv rodno zasnovanog nasilja“, Inicijativu Građanke za ustavne promjene, kao i o drugim pitanjima koja utiču na položaj žena i marginalizovanih grupa u Bosni i Hercegovini.

Pored televizijskih nastupa, aktivnosti, inicijative i stavovi Fondacije CURE zabilježeni su više od 60 puta na online portalima. Dodatno, saopštenje Fondacije iz novembra objavljeno je u dnevnim novinama Dnevni avaz, čime su naše zagovaračke poruke i programske aktivnosti dobile dodatni prostor u javnosti.

Ključne kampanje i događaji Fondacije tokom 2025. godine bili su kontinuirano praćeni u medijima. Osmomartovski marš i PitchWise

festival, uz podršku medijskog sponzora Radio Sarajevo, ostvarili su značajnu medijsku pokrivenost, dok su aktivnosti u okviru kampanje „16 dana aktivizma protiv rodno zasnovanog nasilja“ bile redovno zastupljene u programima lokalnih televizijskih i radijskih stanica. Korištenjem tradicionalnih i digitalnih medija Fondacija CURE nastavila je širiti poruke o rodnoj ravnopravnosti, ljudskim pravima, borbi protiv nasilja nad ženama i važnosti feminističkog aktivizma. Na taj način doprinosimo jačanju javnog dijaloga, solidarnosti i građanskog angažmana te stvaranju prostora za društvene promjene zasnovane na jednakosti i poštovanju ljudskih prava.

**VIDLJIVE
SNAŽNE
UJEDINJENE*** ka zajedničkom cilju:
stojimo na braniku ostvarenih ženskih prava – nema nazad!

Fondacija CURE u brojkama

Fondacija CURE kontinuirano ulaže u razvoj svoje digitalne prisutnosti i komunikaciju sa različitim ciljnim grupama putem društvenih mreža i drugih online kanala. Početkom 2026. godine naš Instagram profil broji 5.157 pratiteljica i pratitelja te 737 objava. U prosjeku bilježimo više od 62.000 pregleda profila u periodu od 30 dana.

Instagram koristimo za promociju aktivnosti, kampanja i javnih događaja, pružajući pratiteljicama i pratiteljima direktan uvid u naš rad. Posebno se izdvojilo saopštenje za javnost pod nazivom „U svemu smo podbacili kao društvo – djevojčice i žene prve su na udaru“, kojim smo ukazale na sistemske propuste u zaštiti djevojčica i žena. Ova objava ostvarila je više od 300.000 organskih pregleda, što predstavlja jedan od najznačajnijih dosegâ na našim digitalnim kanalima tokom godine.

Najveću vidljivost Fondacija CURE ostvarila je tokom PitchWise festivala. Sadržaji povezani s festivalom privukli su najveći broj pregleda, interakcija i novih pratiteljica i pratitelja, potvrđujući interes javnosti za teme feminističkog aktivizma, umjetnosti i rodne ravnopravnosti.

Tokom septembra Instagram sadržaji Fondacije ostvarili su više od 269.000 pregleda, uz povećanje broja pratiteljica i pratitelja za više od 100 osoba. U poređenju s prethodnom godinom, to predstavlja više od šest puta veći doseg sadržaja, što ukazuje na značajan rast interesovanja za aktivnosti i kampanje Fondacije CURE.

Facebook ostaje važan kanal komunikacije putem kojeg dijelimo vijesti, saopštenja i informacije o pitanjima značajnim za prava žena i rodnu ravnopravnost. Naše objave ostvaruju prosječno više od 23.000 pregleda, omogućavajući nam da informacije i zagovaračke poruke približimo širokoj publici.

Pored društvenih mreža, Fondacija CURE koristi i Viber kanal za brzo informisanje o ključnim događajima i kampanjama. Kanal trenutno broji 68 pretplatnica i pretplatnika, a koristi se za promociju aktivnosti poput Osmomartovskog marša, PitchWise festivala i kampanje „16 dana aktivizma protiv rodno zasnovanog nasilja“.

Naš YouTube kanal sadrži 104 videozapisa i okuplja 66 pretplatnica i pretplatnika. Kanal služi kao arhiva edukativnih sadržaja, javnih događaja, intervjua i promotivnih materijala te predstavlja dodatni prostor za promociju feminističkog aktivizma, ljudskih prava i rada Fondacije CURE.



DONATORKE I DONATORI:

The Kvinna till Kvinna Foundation (KTK), Global Fund for Women (GFW), TRAG fondacija, OAK Foundation, Švicarska agencija za razvoj i saradnju (SDC), IAMANEH Švicarska, Heart and Hand Fund, Fondacija Heinrich Böll Sarajevo, Fondacija Friedrich Ebert u Bosni i Hercegovini (FES), Women's World Day of Prayer (WWDP) – German Committee, EuroCentralAsian Lesbian* Community (EL*C), ISCOS Emilia Romagna, AMICA e.V., Holding the Line for Women's Rights, Sigrid Rausing Trust, UK International Development

PARTNERSTVA

Fondacija Jelena Šantić, Srbija; Helsinški odbor za ljudska prava Banja Luka, Bosna i Hercegovina; Centar za ženska prava Zenica, Bosna i Hercegovina; Sarajevski otvoreni centar, Bosna i Hercegovina; Team Kwak, Belgija – Filip Schlosser, Adrien Vernimmen i prijatelji

Zahvaljujemo se svim donatorkama i donatorima koji nas svojim povjerenjem, solidarnošću i kontinuiranom podrškom prate i osnažuju već 20 godina. Zahvaljujući vašem povjerenju i zalaganju, Fondacija CURE nastavlja razvijati programe podrške, osnaživati žene i djevojke, graditi feminističku solidarnost te stvarati prostor za rodnu ravnopravnost, ljudska prava i društvenu pravdu u Bosni i Hercegovini.

Hvala vam što ste dio naše zajedničke borbe.

Tim Fondacije CURE u 2024.: Jadranka, Stela, Denija, Selma, Enida, Lana, Sanda, Jasmina i Lejla.

Članovi/ice Upravnog odbora: Joško, Ranka, Nadža, Saša i Hana

Fondacija CURE

Web: www.fondacijacure.org

Instagram: [@fondacijacure](https://www.instagram.com/fondacijacure)

Facebook: <https://www.facebook.com/fondacijacure/>

YouTube: [Fondacija CURE](https://www.youtube.com/fondacijacure)





v
VJESTICE
ujedinite se